



Maria Gioana

Ch'a àussa la man
chi ch'a-i ven nen la pel d'òca
an scotlandla!
"E col prèive ch'am sotra mi /
veuj ch'a sia cioch
èd branda òh..."

Chi ch'a conòss
nen Maria Gioana,
canson ch'a toca na
còrda pèrfonda dël
nòst temp masnà?
Pòchi, miraco gnun.
Dàit ch'a fa part dla
tradission popolar, i
pudoma nen preten-
de 'd truvé un test
definitiv. Ma sगतand

ans la ragnà, sèrcand an tra ij mé arcòrd, parland
con papà e mama (e lassand perde 'l ters vers èd
minca stròfa, ch'a l'é sempre l'istess, e ij «trollà-là-
là» che tant i-i conossoma) i l'hai capì ch'ì pudoma
ruvé pi o meno a costa version:

Maria Gioana l'era 'n sl'uss
l'era 'ns l'uss che la filava òh...
L'é passaje sor medichin
còsa l'eve Maria Gioana òh...
S'ì savèjsse sor medichin
mi i l'hai tanta mal la testa òh...
S'ì beivèisse pi nen tant vin
mal la testa av passeria òh...
S'ì beivèissa pi nen tant vin
st'ora si saria già mòrta òh...
E peuj quand ch'ì meura mi
veuj ch'am sotro 'nt ina cròta òh...
Con ij pé sota al botal
e la boca a la spinela òh...

Damigiana pèr cussin
e quat bote pèr candèila òh...
E la gent ch'am sotra mi
veuj ch'a canto la Violeta òh...
E col prèive ch'am sotra mi
veuj ch'a sia cioch èd branda òh...

Chi ch'a l'é curios e a veul savèjne 'd pi, a peul
vardé ans la ragnà:

- l'interpretassion èd Fabrizio De André: <http://tinyurl.com/cy46523>. Cost tòch a l'é stàit arcu-
perà da vej bindej registrà ai temp dla passion
dël cantautor pèr la canson popolar, ant j'agn
Sessanta, e a l'é stàit publicà ant l'archeuita
dobia "Effedia" (2008);
- l'interpretassion èd Gianmaria Testa: <http://tinyurl.com/c5kgq4e>: a l'è la version pi davsina-
a come a ven cantà ant le piòle ancora ancheuj,
an manera pasia e rabastà.
- E a peul lese 'dcò tuta la stòria documentà dla
canson, scritta da Marco Zanette: <http://tinyurl.com/co42x4j>.

E, dzora 'd tut, ch'a àussa la man chi ch'a-i ven nen
la pel d'òca an scotlandla! "E col prèive ch'am sotra
mi / veuj ch'a sia cioch èd branda òh..."



Terapie Strumentali:

Tecar
Tens,
Radar,
Magneto,
Laser,
Elettroterapia

Riabilitazione:

Neuromotoria,
Ortopedica

Massaggi:

Curativi
Sportivi

**VISITE SPECIALISTICHE,
PRESTAZIONI DOMICILIARI**

**CENTRO
FISIOTERAPICO CHIERESE**
Dir. San. Dr. Bava Aldo

Via Palazzo di Città, 12 - 10023 Chieri (TO)
Tel. 011 9473091 - Fax 011 9402182
centrofisioterapicochierese@gmail.com

Orario: dal lunedì al venerdì 8,30 - 12,00 / 14,00 - 19,00

APERTO TUTTO IL MESE DI AGOSTO